

1 Yohane

Yohanenjo Kibi Mikepka Qeke, Don Gegeinerop Didiwo Wakonge

¹ Mokaka qei kino njineka kieke pa sari mage pake, yewa njene ketzenjo detkone, so deze welenjo kakone, welekatne, njene dezenjo ka more metezenjo makone, gege togon Wane Don iwa qe njibonmaine. ² Gege wele didiwo wakonlukki kakone, paki gege togon wane don kisiine iwa ra wakone njidanmaine, gege togon yewa Magak wano njine pa sari mage njenano didiwo wakongi kamaine. ³ Kine kine kakone so detkone, ea wane njene ra qelanjane njine wenenj yalewaka njidanmaine, njidanjem detpi paki, njine njenano takotkeu wetze weku qeturage gekenane, pakimo wet weku gegeze yewanjo Magak Anutu so Gipole Yesu Kristo erano kito more payake. ⁴ Yalewa paki, njenano wet pesekjo maine watke more payakane kibi iwa qe njibonmaile.

Anutu Eje Qelangan

⁵ Iwa yemo donkisi Gipole Yesu wano detkonane more, njine ra wakone njidanmaine, Anutu enje qelangan, enjano panaman mane mi pamaike. ⁶ Ea wane njene wet weku Anuturop gemaine ranjem paki, yewaoka panamango gekene, pakimo donze yewa mo isi okangi, njene don wele yewa mi magekene. ⁷ No Anutu enjine qelanganjo gemaikene, yalewaka njene qelanganjo gekeneo, yemo njene doku tau tau nej

natne enjerop wet weku kima kima okane gekene, pakimo Gipole Yesu wane Wenjemineno sot turunj kine kineze ea saukki libeka qekene.

⁸ No njene sot turunje mane mi pamaike yale raikeneo, yemo njedomka wetze isikaikene, pakimo don welekatne yewano njenane kotozo mi payake. ⁹ Njene borikineze rapok warekeneo, yemo Anutu enj mi qelinj noniake, midakaka, enj masi koboine okangi paki borikineze qeligeake, so tanik manikze qotkoine yewa ma biraki ariki njene libeka qekene. ¹⁰ No njene iwa yale raikene njene sot mane mi ma okangone, ea rakeneo yemo, Anutu wane don ranjem, isi don yale okaniake, pakimo enjane donjo njenane kotozo mi payake.

2

Kristo Enj Njenane Qesi Qesinj

¹ Gipon borasokopne, borikine mi maikei wane girem don iwa qe njibonmaile, no nei mane enj borikine mayake, yemo qesi qesinje koboboine, Magak korop gemaik, Yesu Kristo yewa desiake.

² Kristo onjomka sot turunje mataliki siukeakane urataine make, so enj njenane sot turunje mataliki siukeakaneka urataine mi make, midakaka! Enj kepe banjem nei njerep korop enjane borikineane turunj wenenj qelinge.

³ No njene Anutu wane don tewekkeneo, yemo njene iwa yale desikene, njene enj detlukkamaime, yale okaniake. ⁴ No nei mane enj rayake, “Na Anutu detlukkamaile,” yale raki paki, anjaine mi tewekeake, nei yaline enj isi nei, wane nei yaline

eņane kotino don welekatne mane mi pamaike. ⁵ Njo ęei mane eņe Anutu wane don tewekeake, eņe Anutu wet maep wele okankayake, ęene yalewa okon okane more Anuturop gemaineo, yemo ęene Anutu wano makatake gemaine, yale okaniake. ⁶ Njo mane eņe rayake, “Na Anuturop gemaile”, yale rayake, eņe Yesu Kristoņo okange, yale Anuturop geake yemo menageake.

Kima Kima Okane Qelaņango Gekene

⁷ Kima maepkopne, na don iwa ęe ęibonmaile, yewa don musele mida, iwa mo ramatok don sogine, ęine mo ęei bano kine dere mage sakoi, ramatok don sogine yewamo miti don, ęine mo alakanka detkoi. ⁸ Njo don iwa ęe ęibonmaile, yemo don musele, so ea wane weleine yemo Kristoņo kotozo urata make, yewao kakone, panaman mo mida lele arikimo, qelaņan weleno qelaņanmaike.

⁹ Ea wane ęei mane eņe iwa yale rayake, na qelaņango gemaile, raki paki kimaine qaisik kayake, eņe naso yewaoka panaman koto geake. ¹⁰ Njo ęei mane eņe kimaine wet maep okan kayake, eņe qelaņangoka ge ariake, eņe numa mi qeyauyake, paki eņano ęine kine kine natneņo ęei natne mi ebuki borikine maikei, midakaka! ¹¹ Njo ęei mane eņe kimaine qaisik kayake, eņe panaman koto geki paki panaman wane numao arimaikie, eamo mi desiake. Onoka wane Panamanņo maki deine mupkemaikie ea wane eņe numa maine me gotkoine eamo maine mi kayake.

¹² Gipon borasokopne, Kristo wane eņet wane Anutuņo borikineņine qeliņgi siukwareke

eawane don iwa qe njibonmaile. ¹³ Magakop, njine mokaka qei kino njine Njewa ge sari geke, so gemaike, enjane kine detlukkamami, ea wane don iwa qe njibonmaile. Njewe medep, njine mo Satan njadeka more qelinj kamami, ea wane don iwa qe njibonmaile.

¹⁴ Medep nigatne njine Magak Anutu detluk kamami, ea wane don iwa qe njibonmaile. Magak njine mokaka qei kino njine ge sari geke, so gemaike, Ene detlukkamami, ea wane don iwa qe njibonmaile. Njewe medep qaluwit, njine zonom njine pamaike, so Anutu wane donjo koto njino pamaike, paki Satan njadekkamami, ea wane don iwa qe njibon maile.

Njewe Wetze Kepe Abogo Misuk Payake.

¹⁵ Wetnjine kepeo me kepe wane abogo misuk motpi payake, njine njine wetnjine kepeo motpi payake, yemo njine wet maep njine Magak wane yewano njinane koto njino mi payake. ¹⁶ Kepeo njine kine kine korop, solano bailalano, me deno ka so bailalano, so wawaine kine kine, njewe njerep ene ka more wawaine okan okanmami, yewa mo Magak wanonjine mi sarimaike, mida! Wawaine korop kepeo njine. ¹⁷ Kepe so abonj kine kineine kepe kutno paki, njewe njerep ene ka more bailalano okan okanmami, yewa korop mida sololokeake, njine Anutu wane don dere tewek okanmaike ene yemo naso banjem ge ariake.

Kristo Wane Njebaine Wakonge

¹⁸ Gipon borasokopne, naso mo bomilemaike! Kristo wane njebaine wakoniakane rakoi, wane

ukude yemo Kristo wane ḡabakoune mo loutne wakone gewaremami, pakimo ḡene detmaine, naso mo bomilemaike. ¹⁹ Ḥei ḡerep magu iwa eḡe welekatne ḡenane magu midakaka, yalinane biraḡone arikoi, eḡe ḡenane magu wele gekoi ra, yemo ḡenerop geurap, ḡo eḡe siluḡ biraḡongoi, paki kine iwa yale wakonge, eḡe welekatne ḡenane magu wele midakaka.

²⁰ Ḥo ḡine yemo Kristoḡo Asu Koboboine ḡibongane dereret ḡinerop okane don welekatne yewa detlukmami. ²¹ Ḥine don welekatne ea wane kine ḡaḡaemami, yale rawe paki kibi iwa mi ḡe ḡibonmaile, midakaka. Ḥine mi ḡaḡaemami, ḡine mo detlukmami, so don welekatne yewao ḡine isi don mane mi wakon okanmaike, yewa ḡine mo weneḡ detwaremami.

²² Pakimo ḡei isi don rara eamo ma? Ea mo ḡei mane, Yesu wane Mesia, Anutuḡo birakaki ketke, mida rayake oḡo, eḡe Magak so Medep weneḡ eretnarek qaisik osiake, yale okangi paki Kristo wane ḡabaine okaniake. ²³ Ḥei mane eḡe magak qaisikkaki paki, medep yalewaka qaisikkayake, ḡo mane eḡe Medep kima okankaki paki, Magak yalewaka kima okankayake.

²⁴ Ḥo ḡei kino miti don detkoi, yewaka togole malipka gekei, miti don yewa wetke togole malipka geu paki ḡine baḡ, naso baḡem Medep so Magak ererop tako rakot ge arikei. ²⁵ So Kristo oḡom kine kine ḡeboniakane ḡedaḡe, yemo gege togon.

²⁶ Wet ma siuk okan ḡungei wane ra okanmami, eḡane rawe paki kibi iwa ḡe ḡibonmaile. ²⁷ Ḥo ḡinane, yemo Kristoḡo Asuine ḡibonge, yewaḡo

ɲinano payake, Asuɲo ɲinane koto ɲino geki, ɲine ɲei manenjo kito ɲiboniakane mi ɲaɲaekɛi, Kristo wane Asuineɲo kine kine korop ea wane kine kito ɲiboniake, eamo don welekatne kito ɲidaniake, ea mo isi midakaka, ea wane ɲine Asuɲo kito ɲidaniake, yewa tewekeu paki, Kristo wano kito togole gekei.

²⁸ Welekatne, gipon borasokopne, Kristo wano kitou togoleu paki gekei, paki Nasoo ene didiwo sariake, yewao ɲene maine togole okorakene, ɲene enane kaitko kaet so gamu gamu okane mi siukkene. ²⁹ ɲine mo detmami, Kristo ene koboboine, ɲine yalewaka iwa yale desikei, ɲei mane ene masi tanik koboboineka okane geake, ene Anutu wane medep.

3

Anutu Wane ɲerep Medep

¹ Detmami, Magakɲo wet maep zok manerop okanɲonge! Enɛ wet maepine zok kakapa suaine pamaikane, ɲene Anutu wane ɲerep medep ɲedorake, iwa yemo welekatne, kine yalinane kepeo ɲei ɲerep enɛ Anutu wane mi detkoi, so ɲene yalewaka mi detɲonmami. ² Kima maepkopne, ɲene ukude Anutu wane ɲerep medewekoune okane gemaine, baɲ ɲado daleo okane gekene, eamo mi wakongi detlukkamaine, ɲo siluɲ iwa yale detmaine, ɲado Kristo lotkeake, naso yewao, enɛine kait toɲaine tokso giridiɲ kanem paki enɛine rokop okanikene. ³ ɲei korop enɛ weteneɲo Kristo wane dereret so tomaka gekei, enɛ edom yale okanbi paki, Anutu wane

kaitko libe qe more gemami, so eje Kristoŋo libe qotqole gemaibe, yale gekei.

Borikine Ma More Satan Wane Medep Natne Okanikei

⁴ Nei mane borikine mayake, eje Anutu wane Ramatok Don yewa yuanmaibe so gemaibe, onoka wane, borikine yewaŋo Ramatok Don qe qe okanmaibe. ⁵ No ŋine mo detmami, Kristo eje nei ŋerep sot turuŋene ebu ma wareakane lotkeke, eje borikine sot mane mi pamanmaibe. ⁶ Mane eje Kristorop geake, eje takotke borikine mi mayake, ŋo mane eje borikine takotke mayake ŋene raikene eje Kristo mi kake so mi detkake, yale okaniake.

⁷ Ŋerep medewekopne, ŋine kaulukei, nei natneŋo isinunikei. Nei mane tanik manik koboine mamaibe, eje nei koboboine Kristoŋo geke, eawane rokop. ⁸ Mokaka qei kino kieke more, Satanŋo borikine kine kine mamanke, eawane nei mane eje borikine mamaibeo, yemo eje Satan wane nei me medep okanmaibe. Paki Anutu wane Gipole eje didiwo sari lotke more, Satan esopkaki paki, urataine weneŋ mataliki siuke mida leleke.

⁹ Nei mane Anutu wane medep geake, eje borikinane tanik manik takorakot mi mayake, onoka wane, Anutu eŋine gege mage so tanik manikŋo eŋano pamaibe, so Anutu eje eŋine magaine, ea wane eje borikine mi takotke mayake. ¹⁰ Anutu wane nei ŋerep so Satan wane nei ŋerep eŋane kine keueno pamaibe, yemo iwa didiwo wakonmaibe, nei mane eje tanik manik

koboboine mi okaniake, me kimaine wet maep mi okankayake eɲe Anutu wane medep mi okaniake.

Wet Maep Maneɲo Mane Okannagu Gekene

¹¹ Mokaka biɲek don mane iwa yale detkoi, ɲene kima kopze wetzeɲo wet maep okan on-gene. ¹² ɲene Kain yale misuk okanikene, Kain eɲe Satan wane biɲek ea wane eɲine ɲole qeke, Kain eɲe onoka wane ɲole qeke? Yemo kine iwa yale wane, Kain eɲe kine kine wa okange, eamo qotkoine, ɲo ɲoleɲo kine kine wa okange, eamo mayakatne, ea wane.

¹³ Kimakopne, kepe ɲei kimakop ɲine eɲe ɲaba okanɲunbi, ɲine misuk qisekei. ¹⁴ ɲene iwa yale detmaine, ɲene seu seu qeliɲka more sari gegeo waketɲem paki wiekone, ɲene yewa detmaine, onoka wane ɲene kimakopze Anutu wane ɲei ɲerep wet maep okanon okanmaine, ea wane. ɲei mane eɲe kimakoune wet maep mi okanon-iake, eɲe seu seuneka geake. ¹⁵ ɲei mane eɲe kimaine qaisik kayake, eɲe kawali qeqe, pakimo ɲine mo detmami, kawali qeqe ɲei yewa eɲe gege togon mane mi pa manmaike. ¹⁶ Kristo eɲe ɲenane raki paki gegeine qaisikkake, ea wane ɲene detɲem wet maep wele okan maike, so ɲene yalewaka kimakopze eɲane ranem paki gegeze qaisikkanem menageake! ¹⁷ ɲei mane eɲe kepe wane ɲara aboɲ morianine zok manerop pa manmaike paki, kimaine mane eɲe ɲara aboɲine midaine geki ka qewoloɲ okangi paki, qomine ma walukeake, paki ɲene daleo raikene, eɲe Anutu wane wet maepɲo kotino mi pamaike! ¹⁸ Gipon borasokopne! ɲenane wet maepze yewamo

donɲoka me aɲazenɲoka misuk raikene, ea mo wet maep wele, metezeno so wetzeno maɲem deeneɲo wele kaikei, Anutu wane don teweke more kaet midaine Anutu wane kaitko maine okorakene.

¹⁹ Yale okanɲem, don wele ea wane magu gemaine, ea wane kine wakoniake, pakimo ɲene wetzeno qebin mabin ɲebuki Anutu wane kaitko maine ɲene wetze ma pesekaikene. ²⁰ Ɓo wetzeno ɲenguyake yemo, ɲene mo detmaine, Anutu eɲe ɲenane wetzane rokop yuankamaike, eɲe rokop mane geki paki kine kine korop ea wane kine detwaremaike. ²¹ Pakimo kima maepkopne, ɲene wetzeno mi ɲenguyakeo, yemo ɲene Anutu wane kaitko togole okorakene. ²² Ɓene kine kine yewa me yewa wane qeka more raɲem ɲeboniake, onoka wane ɲene pidonine tewekmaine so eɲane kaitko maine geɲem yale okanɲoniake. ²³ Pidonine iwa yale, ɲene Gipole Yesu Kristo wane eɲetine detlukkaikene, so Kristo pidonine rake, ea wane rokopko ɲei kima kopze eɲerop wet maep okannagukene. ²⁴ Ɓei mane eɲe Anutu wane pidonine tewekeake, eɲe Anutu qotkayake, paki Anutuɲo ɲei yewa yalewaka qotkayake, Anutuɲo qotɲone gemaikene, yemo Asu ɲebonge eaɲo ra wakone ɲedangi detokanmaine, yemo Anutu eɲe ɲenerop gemaikene.

4

Asu Welekatne So Asu Isisine

¹ O, kima maepkopne, ɲine ɲei korop eɲe Asu pa ɲebonmaikene, rau detpi wele misuk okaniake, ɲine liwekone more kineene kaikei, eɲe Asu

ma gemami, yewa Anutu wanonjine sarimaike me mida, yewa detlukkei, propet isisine loutne wakongoi, kepe banjem rokopke ge waremami. ² Njine kineene yemo iwa yaleoken desikei, Asu mane eje Yesu Kristo welekatne nej okange, yewa raulukeake, Asu yewa eje Anutu wano njine nej yewa enjano pamaike raikene. ³ No Asu mane eje, Anutujo Yesu mi birakake ketki paki nej mi leleke, eajo bisop kayake, asu yewa eje Anutu wanonjine mi ketke, eje Kristo wane Njaine enjano njine sarike. Njine enjane det okanmami, eje kepeo wakoniakane rakoi, wane iwa yemo eje mo wakonge gemaik.

⁴ Gipon borasokopne, njine yemo Anutu wane bijek ea wane propet isisine mo ebu ket biraon warekoi, onoka wane Asu yewa njinane koto njino gemaik, enjane zonomine yemo togogole, kepeo njine asu enjane zonom korop yuanka waremaik.

⁵ Nei propet isisine iwa eje kepeo njine, ea wane donene yewa kepe donka okanmaik, paki kepe nej eje ketene more don yewa det okanmami.

⁶ No njene yemo Anutu wane bijek, mane eje Anutu detkamaikenjo njenane don desiake. Mane eje Anutu wano njine mi wakongenjo, yemo donze mi desiake.

Don welekatne ea wane Asu so isi don wane asu erane kineetne yalewao wakongi ka more maine raikene.

Anutu Eje Wet Maep

⁷ Kima maepkopne! Njine manenjo mane wet maep okannagukene, onoka wane wet maep yewa yemo Anutu wanonjine sarimaike, wane nej mane eje wet maep korop geake, eje Anutu

wane medep okaniake, so Anutu detkayake. ⁸Nei mane wet maepine midaine geake, eje Anutu mi detkayake. Onoka wane, Anutu eje wet maep wane kine so welaine. ⁹Anutu eje iwa yale okangi paki, wet maepine njenane ra more sikanjonge, eje gipole wemedep weku birakaki kepeo ketke, njene Yesu wane ra more gegeze marat kaikenane, yale okange. ¹⁰Wet maep wane kine iwa yale pamaike, njedo Anutu wet maep mi okankakone, midakaka, Anutujo njene wet maep okanjongi paki, Gipole talekaki ket more, borikinezane turuj qekokki paki njebu make. Nei wet maep mi okanone more Anutuka wet maep okanka okanka ea mo mi pamaike.

¹¹Kima maepkopne, Anutujo wet maep yale okanjongane njene yalewaka, kimakopze enjerop wetzenjo wet maep okan nagukene. ¹²Anutu njene dezenjo mi kakane, no siluj njene njedomka wetzenjo wet maep okan nagukeneo, yemo Anutujo kotozo geake, paki enjane wet maepjo njenane kotozo sua leule okaniake.

¹³Njene onoka wane maine Anutu detluk kamaine? So eje njenerop gemaike, me njene enjerop gemaine? Enjine detluk kamaine, yemo Asuine njebongane njene iwa yale detmaine, njene Anutu gotkamaine no Anutu eje njene gotjonmaike.

¹⁴Magak, eje Gipole talekaki kepe banjem nei korop njebu mainjone enjino biranjoniakane ketke, paki njene dezenjo kaulukkonane don yewa raulukon okanmaine. ¹⁵Ea wane nei mane eje Yesu Anutu wane Gipole, yale raulukeake, eje Anutujo nei yewarop geake, no nei yewanjo Anuturop geake, ¹⁶pakimo njene njedom Antujo wet

maep okanņonge, yewa detmaine so detlukka-mainene.

Wet Maep Koropņo Kaet Mi Ma Geake

Anutu eņe wet maep wane kiewowoine, ņei mane wet maep korop geake eņe Anuturop geake, ņo Anutuņo eņerop geake. ¹⁷ Wet maep wane wele ņenano wakon lukmaike, eamo iwa yale. Nene gegeze kepeo gemaine, eamo Kristo wane rokop. Ea wane ņene baņ Wano Wanok Naso suaine yewao, kaet mi okane more togole okorakene. ¹⁸ Kaet so wet maep ere kima kima mida, wet maep wele yewaņo kaet korop esopongi saket ariwarekei, kaet eņe kawali ma okanmaike, ea wane mane eņe kaet mageake, eņano wet maep maine mi pamaike, yale raikene.

¹⁹ Anutuņo alakane more wet maep okanņonge, ea wane ņene wet maep korop gekene. ²⁰ ņei mane eņe rayake, “Na Anutu wet maep okankamaile,” raki paki kimaine qaisikkayake, eņe isi ņei, ņei yewa eņe ņei kimaine deņo kakaine, eņe qaisikkaki paki, daleo Anutu deņo mi kakaine, eņe wet maep okankayake me? Midakaka! ²¹ Ea wane Kristo wane pidon iwa yale ņebonge, mane eņe Anutu wet maep okan kaki paki, ņei kimaine weneņ yale waka wet maep okankayake.

5

Mali Malip Korop ņo Kepe Wane Tanik Manik Borikine Maket Birakayake

¹ ņei maneņo Yesu wane Kristo raki paki malip kayake, eņe Anutu wane medep, ņo mane eņe

magaine wet maep okankayake, eɲe medep yalewaka wet maep okankayake. ² Nene Anutu wet maep okankaɲem paki, pi donine tewekkeneo, yemo Anutu wane ɲei ɲerewekoune wet maep okanonmaine, yewa wane kine qe wakoniake. ³ Nene Anutu yaup mi wet maep okankaikene, so eɲane pidonɲo ɲenano umatne mi okanmaike, midakaka, ⁴ onoka wane, Anutuɲo eɲane ɲerep medep gege togon ebonge, eɲe kepeo umat me wikile kine kine ɲine korop kito peseki ket okanmaike, yemo ɲenze mali malipɲo, yalewa oken okane more kepe wane tanik manik yuanka ma pesekakene. ⁵ Maɲo kawali qe yuangi paki kepe wane tanik manik ma pese okanmaike? ɲei mane eɲe Yesu, Anutu wane Gipole, yale raki paki malipkayakeno weku yale okaniake.

Anutuɲo Yesu Kristo Wane Don Didiwo Ra Wakonge

⁶ Yesu Kristo eɲe wekuɲo lotkeke, eɲe dokuɲo tauon tauon ea wane tanik manik so kibego weɲemine ket ket, ea wane tanik manik yewarop sari lotkeke, eɲe dokuropka mi sari lotkeke, eɲe dokurop so weɲem gorop weneɲ sari lotkeke. Asuɲo oɲom kine ra wakone ramaike, iwa welekatne, onoka wane, Asu eɲe don wele ea wane welaine so kine. ⁷ Anutu wane don ɲei karewe edo ra wakon okanmami. ⁸ Asu, doku so weɲem, eɲe karewe, ɲo kineene yemo weku. ⁹ ɲeiɲo don qesi qesiɲ okane rau detɲem, welekatne okan okanmaike. No Anutuɲo donine qesiɲkake, yemo wele zok manerop okan okanmaike, eɲe Gipolane don qesiɲka more ra

wakonge. ¹⁰ Ea wane nei mane eje Anutu wane Gipole detlukkayake, eje Anutu wane don wele eaño kotino pamaniake. No mane eje Anutu wane don detki don yauwine okangi mi detlukkayake, paki Anutu eje isi nei yale okaniake, nei yaline eje Anutuño Gipolane kine ra wakonge, ea mi dere malipkayake. ¹¹ Nene tanik manik yaline eaño sikan nonmaike, yemo Anutu wane don eamo welekatne, Anutu wisika gege, so gege togon nebonge, ea wane kine so welaine yemo Gipolano pamaike. ¹² Nei mane eje Anutu wane Gipolerop gemaikne, eje wisika gegeine pamaikne, no mane eje Anutu Gipolerop mi gemaikne, enano wisika gege ea mo mane mi pamaikne.

Wisika Gege So Gege Togon Mat

¹³ Na don iwa qemaile, yemo nine nei nerek korop Anutu Gipolane enetine dere malipka gemami, nine maine desikei, nene Gege Togon mo makone, yale desikei. ¹⁴ Nene Anutu wane kaitko togole gekene, onoka wane nene yale detmaine, nene kine kine mane wane Anutu wane simile pamaikne, yewao mogare menjenkanem eje mene menenze detki paki neboniaken. ¹⁵ Nene menjenkaikene rokop, eje detnoniaken, iwa welekatne, nene yalewaka detnem paki kine kine onjo neboniakane menjenkanem eje neboniaken.

¹⁶ Nei mane eje kimaine kaki borikine mayake, borikine yalinenjo tebakaki seu seu wane rokop mi okaniaken, eje yaline kaki paki, Anutu menjenkaki onjo gege togon maniaken, iwa yemo nei borikine ewekine ma okanmami, enane ramaile.

Ŋo borikine umatneŋo tebaongi seu seu wane binjek oka okan eŋe pamaike, ŋo na yaline eŋane Anutu meŋen kaikenane mi ramaile. ¹⁷ Masi tanik qotkoine korop yewa eŋe sot turuŋ weneŋ okanmaike, ŋo borikine natne yemo tebaongi seu seu mi arikei.

¹⁸ Ŋene iwa yale detmaine, ŋei ŋerep Anutu wane dokoine okane gege togon gemami, eŋe borikine takotki takot mi ma okanmami, onoka wane eŋe Anutu wane Gipoleŋo warekaki tikŋaneŋ gemaikē, wane Sataneŋo maine mi matalikayake.

¹⁹ Ŋene detmaine, ŋene Anutu wane ŋerep medewekoune, ŋo kepe baŋem korop Anutu wane don ŋadekka okanmami, eŋe Satan ŋo ŋei waom okan ongi eŋane bango gemami.

²⁰ Ŋene iwa yale detmaine, Anutu wane Gipole eŋe ketki paki, wet dereretze ma wakone ŋebongane, ŋene Anutu welekatne eŋe detka okanmaine, ŋenane gegezeŋo yemo Anutu welekatne eŋano pamaikē, so Gipole Yesu Kristo wano weneŋ pamaikē, eŋe Anutu welekatne so iwa eŋe gege togon.

²¹ Gipon borasokopne, ŋine Anutu isisine yewa korop ŋadekon warekei!

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963